

RI RU-BEYAL

CHE RI COLOTAJIC

RI NI-C'UT

Vi yeka-takej ri ru-pixa' ri Ajaf, xti-yo'ox chike richin yoj-c'ase' jumul r-iq'uin Rija' chupan ri r-ajavaren.

RI NI-RAYIX

Tok q'uisan chic re c'utic re', ri familia xti-k'ax pa qui-vi' chi tok man jani koj-ka' pe chuvach'ulef, xe oj espíritu chupan ri nabey c'aslen chicajel r-iq'uin ri K-ajaf. Xoj-pe vave' chuvech re ruvach'ulef richin c'o modo nika-c'ul jun ch'aculaj y nik-etamaj richin nika-cukuba' ka-c'u'x r-iq'uin ri Ajaf y nika-takej ri ru-pixa'. Que c'a vi ri', c'o modo yoj-c'oje' chic jun bey r-iq'uin Rija' pa r-ajavaren.

RU-CHOJMILAL

TIJONIC 1: Roj xoj-c'ase' r-iq'uin ri Tata'ixel Dios tok majani koj-pe chuvach'ulef.

TIJONIC 2: Ri ka-c'aslen chuvach'ulef xa jun tiempo r-ichin tejtobenich richin chi yoj-tzolin r-iq'uin ri Ka-tata' Dios.

TIJONIC 3: Ri c'astajibel, ja ri' jun sipanic r-ichin ri Cristo chike.

TIJONIC 4: Chirij ri c'astajibel, e c'o e q'uuiy c'ojlibel segun ri ka-banobal.

TIJONIC 5: Ri Ka-tata' Dios xu-ben chi c-onojel ri r-alc'ual nic-ac'axaj ri evangelio tok man jani ti-pe ri c'astajibel.

TIJONIC 6: Can ni-ban vi ri bautismo pa qui-q'uexel ri caminaki'.

TIJONIC 7: Ri tak alc'uuala' man ni-c'atzin ta ri bautismo chique.

Jeremías 1:5; Moisés 3:5; Abrahán 3:22-28.

Job 38:7; Juan 1:2,14;8:56-58;17:3-5; Apocalipsis 12:7-9.

Lucas 24:36-40; Hechos 7:55-56; Génesis 1:26-27;5:1-3.

Hebreos 5:8; Alma 12:24.

(Vi ru-c'ulubanic man utz ta, ta-nic'oj achique roma y achique roma man nr-ajo' ta n-oc ach'el ri Dios. R-iq'uín juba', re' yalan c'ac'a chire. Ta-to' rija' richin nr-etamaj achique ru-baniquil ri ru-ch'acul ri Dios, y chuka' chi c'o modo chi ri k-ach'ala! xt-oc ach'el Rija'. C'a c'a ri', ta-bij:)

Tika-bij chi can c'o vi modo chi ri ka-ch'acul xque-oc ach'el ri ru-ch'acul ri Tata'ixel. ¿La xtav-ajo' na xta-c'ul ri ru-k'ij, r-etamabal y ru-c'ojlen ri Tata'ixel?

(Ta-jiquiba' chuech chi ri ru-familia ye-tiquir niqui-c'ul re bendición re'. Que c'a ri', ta-chapa' chic ru-tijoxic.)

TIJONIC 1: ROJ XOJ-C'ASE' R-IQ'UJN RI TATA'IXEL DIOS TOK MAJANI KOJ-PE CHUVACH'ULEF,

Tijonel: K-ach'alal Xicay, roj yoj-quicot chi oj c'o chic jun bey iv-iq'uin roma nu-ya' chike chi nika-bij chive chi k-etaman chi ri Dios q'ues, chi ri Jesucristo, ja Rija' ri Colonel y chi ri Ru-iglesia ri Jesucristo de los Santos de los Ultimos Dias, ja ri' ri r-ajavaren ri Dios chuvech re ruvach'ulef.

Rija' janila yojr-ajo' y roma ri' ru-yo'on chike ri ru-iglesia. Rija' nr-ajo' chi roj yeka-c'ul c-onojel ri ru-bendiciones. Jun chique ri bendiciones ri' ja ri q'uiy k'alajirisanic ri Dios ru-yo'on pe.

Rija' xu-k'alajirisaj chire ri José Smit chi tok majani koj-alex chuvach'ulef, roj xoj-c'ase' pa jun chic c'ojlibel ru-bini'an ri nabey c'aslen chicajel.

K-onojel roj ri oj alaxnek, ya xoj-c'ase' nabey r-iq'uin ri Ka-tata' c'o chila' chicaj chupan ri c'ojlibel ri'. Chiri' xa oj espíritu, o sea chi manak ka-ch'acul achi'el ri c'o vacami. Jun espíritu juman ri ru-baniquil achi'el jun vinek pero xa manak ru-ch'acul. Chiri' pa ri nabey c'aslen chicajel, xoj-tzijon y xoj-biyin chuka' y xka-cha' ri utz o ri man utz ta.

Entonces ri Dios ja Rija' ri Ka-tata' roma ja Rija' ri ru-tata' ri ka-espíritus. Pu t-oka' chikac'u'x chi Rija' man xaxe ta jun espíritu. Rija' c'o ri ru-ch'acul yalan ch'ajch'oj y janila ru-k'ij y ru-c'ojlen.

Ri ch'aculaj yalan c'atzinel y roma ri Ka-tata' yalan yojr-ajo', c'a ri' xu-ben chi roj nika-c'ul jun ka-ch'acul ri ni-tzu'un achi'el ri ru-ch'acul Rija'. Rija' nu-rayij chi c-onojel ri r-alc'ual ni-qu-il ta ri nimalej quicoten Rija' r-ilon.

TIJONIC 2: RI KA-C'ASLEN CHUVACH'ULEF XA JUN TIEMPO R-ICHIN TEJTOBENIC RICHIN CHI YOJ-TZOLIN R-IQ'UIN RI KA-TATA' DIOS,

Tijonel: Richin chi nik-il ri quicoten ri', x-c'atzin chike chi xoj-pe y xka-c'ul re ka-ch'acul re'. K-ach'alal Xicay, zachique roma na-bij rat chi Dios nr-ajo' chi c'o jun ka-ch'acul achi'el ri ru-ch'acul Rija'?

Xicay: C'ulubanic

Tijonel: Roma ri yalan yojr-ajo', Rija' ru-banon jun ru-beyal richin chi yoj-oc mas achi'el Rija'.

Chila' pa ri nabey c'aslen chicajel, roma manak ka-ch'acul,

(Vi man ni-k'ax ta pa ru-vi', ta-k'alajirisaj chuevch chi c'o chi nu-c'ul jun ch'aculaj físico richin chi nr-etamaj ri q'uiy banobel ri man ni-tiquir ta nr-etamaj vi rija' xaxe jun espíritu. R-iq'uin jun ru-ch'acul, c'o modo n-oc mas achi'el ri Dios. Xcaru-to' na re pregunta re':)

K-ach'alal Xicay, ¿la na-nimaj rat chi yoj-tiquir nik-etamaj achique ri k'axon o ri quícoten vi xaxe oj espíritus?

(Tok utz nu-na' chirij, ta-chapa' chic ru-tijoxic.)

Hebreos 11:1,6.

(Ta-c'utu' chuevch chi 'ri e choj ye-c'ase' r-iq'uin ri cukubabel c'u'x'" (Romanos 1:17; Gálatas 3:11; Hebreos 10:38; Habacuc 2:4) y ya que vacami man nika-tz'et ta ri Dios, ru-c'amon chi nika-tzekelbej r-iq'uin ri fe. Vi manak ri ka-fe, manak modo chuka' chi yoj-ka' chuevch ri Dios. C'o modo chi na-tz'et r-iq'uin rija' ri Hebreos 11:6. Tok ni-c'achoj ri tzijonic, ta-ya' chire chi tu-tz'eta' juba' chirij ri fe: Alma 32, Moróni 7 o Eter 12.

Eter 12:6.

(Ri c'atzinel chire ja richin ni-k'ax pa ru-vi' chi oj c'o chupan re c'aslen re' richin chi nika-c'ut chuevch ri Dios chi xqueka-takej ri ru-pixa' o manak. Xcaru-to' na re pregunta re':)

K-ach'alal, vi ta n-oka' chikac'u'x ri ka-c'aslen ru-banon can r-iq'uin ri Tata'ixel, na-bij rat chi ni-c'atzin chíke ri cukubabel c'u'x?

(Tok na-na' chi ni-k'ax pa ru-vi' re re', ta-takej ru-tijoxic.)

Mateo 7:21; DyC 78:7.

manak chuka' modo nika-na' k'axomal o nika-ben bautizar ki'. Y chuka' manak modo c'o jun ka-familia. Y r-onojel re' yalan ni-c'atzin richin nika-ch'ec ri etamabel achi'el ri r-etamabal ri Dios. Rija' nr-ajo' chi roj yoj-oc mas achi'el Rija' y roma ri' ru-yo'on chike ri ka-ch'acul. Vacami chi ya c'o chic ri a-ch'acul, ¿achique ya-tiquir nav-etamaj chuvech re ruvach'ulef?

Xicay: C'ulubanic

Tijonel: Jun chic achique roma oj petenek chuvach'ulef, ja richin nik-etamaj richin nika-cukuba' ka-c'u'x r-iq'uin ri Ajaf Jesucristo.

Ri Vuj r-richin ri Mormon nu-bij chike chirij ri cukubabel c'u'x (Alma 32:21).

Xicay: Nu-tz'et ri Alma 32:21.

Tijonel: Tok oj c'o pa ri nabey c'aslen chicajel, chiri' xka-tz'et ri Dios y c'a ri' man ni-c'atzin ta chi nika-nimaj chi c'o jun Dios roma can xka-tz'et vi. Pu vave' chuvach'ulef, man nika-tz'et ta y man n-oka' ta chuka' chikac'u'x tok xka-tz'et Rija'. Ja c'a ri', c'o chi nik-etamaj richin nika-cukuba' ka-c'u'x r-io'uin ri Dios. ¿Achique roma ru-c'amon chi nika-cukuba' ka-c'u'x r-iq'uin ri Ajaf?

Xicay: C'ulubanic

Tijonel: K-ach'alal Xicay, rat c'a xat-alex pe y c'o chic ri a-ch'acul achi'el roj chuka'. Ri Dios nr-ajo' nu-tz'et vacami si vi roj nika-cukuba' ka-c'u'x r-iq'uin y si vi yeka-takej ri ru-pixa' vave' chuvach'ulef. Roma ri', tok xoj-alex, xu-ben chi xka-mestaj ri jun chic ka-c'aslen, ri xka-ya' can. C'a ri' e ru-yo'on pe ri ru-pixa' richin yojqui-yukej.

Jun chic ri' ja ri ti-c'oje' ri ka-cukubabel c'u'x r-iq'uin ri Ajaf Jesucristo, ti-tzolin pe ka-c'u'x chupan ri mac, koj-kasex xe' ya' y tik-ajo' ki'.

Vi roj yeka-takej ri ru-pixa' ri Dios, c'a ri' nika-c'ut chi can nika-cukuba' ka-c'u'x r-iq'uin y chi nik-ajo' chuka'. Rija' xu-bij chique ri ru-tijoxela', "Vi yiniv-ajo', que'i-takej ri nu-pixa'." Tok mas yeka-takej ri ru-pixa' ri

(C'atzinel chi ni-k'ax pa ru-vi' chi tok yeru-takej ri ru-pixa' ri Dios, ri ru-cukubabel c'u'x ni-q'uiy. Ta-to' richin nu-tz'et achique ru-c'amon chi nu-ben vi nr-ajo' chi ni-q'uiy ri cukubabel ru-c'u'x. Stape majani r-etaman achique ri ru-pixa' ri Dios, r-etaman chic chi ru-c'amon nu-ben orar y nu-ben estudiar.)

Juan 14:2-3;1 Nefi 15:32.

(Vi c'o jun ru-pregunta, ta-k'alajirisaj chuvech. Ta-c'utu' chuvech chi xtu-c'ul ri ru-colotajic r-oma ri yeru-takej rija' ri ru-pixa' ri Dios, y man r-oma ta ri ru-samaj ri jun chic achin. Tok ni-k'ax pa ru-vi', ta-ya' ri jun chic tijonic.)

2 Nefi 2:8-10.

(Vi ri K-ach'alal Xicay man utz ta nu-bij, c'o modo na-bij quere':)

--¿La x-tijox chave chi xaxe ri choj xquebe-c'astej?

Ajaf, mas nim chuka' ri cukubabel ka-c'u'x r-iq'uin.

Majun xti-colotej chupan ri r-ajavaren ri Dios vi man nu-c'ut ta ri cukubabel ru-c'u'x r-oma qui-takexic ri ru-pixa'. ¿Achiqne na-ben rat richin na-c'ut ri cukubabel a-c'u'x chuvech ri Dios?

Xicay: C'ulubanic

Tijonel: Roj nika-jiquiba' chavech rat chi ri tijonic ri ka-bin chive vacami can e kitziy vi. Can kitziy vi xoj-c'oje' r-iq'uin ri ka-tata' chila' chicaj tok majani koj-ka pe chuvach'ulef. Y xoj-alex richin nika-c'ul ri ka-ch'acul, chuka' richin nika-cukuba' ka-c'u'x r-iq'uin ri Dios y chuka' richin nika-c'ut chuvech ri Tata'ixel chi xqueka-takej ri ru-pixa'. Ri mas c'atzinel chupan re c'aslen re' ja ri' chi yeka-takej ri ru-pixa' ri Dios. Xaxe quere' xtik-il chuka' ri quicoten. Man c'o ta jun chic modo. Y vi rix can ni-ben ri', ri Dios xtu-ya' chive jun c'ojlíbel chupan ri r-ajavaren. Ni-pe ri k'ij tok ri Dios xtu-tz'et ri ka-banobal chuvech re ruvach'ulef y xtu-ya' chike ri ru-a'uexel ri xka-ben. ¿Achiqne roma na-bij rat chi ni-c'atzin chive iv-onojel chi ye'-takej ri ru-pixa' ri Dios? (*Vi c'o modo, ta-c'utuj chuka' chique ri alc'uala'. C'o chi rije' niqu-etamaj chuka'.*)

Xicay: C'ulubanic

TIJONIC 3: RI C'ASTAJIBEL, JA RI' JUN SIPANIC R-ICHIN RI CRISTO CHIKE.

Tijonel: Vacami oj q'ues chuvach'ulef, pero jun k'ij xkoj-com k-onojel. C'o chi yoj-com jun k'ij, ¿peja?

Pero ri Iok'olej escrituras niqúi-tijoj chike chi chuka' k-onojel roj xkoj-c'astej pe chuvech ri camic. (*Ta-tz'eta' ri 1 Corintios 15:21-22.*) Entonces, re' nu-bij chuka' chi k-onojel xkoj-com y k-onojel chuka' xkoj-c'astej pe. Querí' nu-bij chuka' jun ojer profeta aj vave'. Ri ru-ch'abel tz'íbatel can chupan ri Vuj r-ichin ri Mormon (Aima 11:43-44). Rija' nu-bij chi "ri espíritu y ri ch'aculaj xtiqúi-tun qui chic pa ru-chojmilal. R-onojel bakil y ti'ojil xti-tzolin pe chic pa ru-chojmilal achi'el vacami. Re' xti-pe chec-onojel, stape ri'j tak vinaki' o alc'uala', stape itzel tak vinaki' o ri e utz, stape achi'a' o ixoki'. Y nijun vi'aj xti-sach, xa r-onojel xti-yo'ox chic pa ru-chojmilal," ni-cha' rija'.

Ja r-oma ri Jesucristo c'o modo yoj-c'astej pe. Ri c'astajibel c'a, ja ri' jun ru-sipanic ri Ajaf chike. ¿La utz camí na-bij rat chi jun k'ij rat r-iq'uin ri a-familia yixbe-c'astej pe?

Xicay: C'ulubanic

--R-iq'uín juba' a-nojin chí sí ví k-onojel yoj-c'astej pe chic, manak modo chí rí e choj xtiqúi-c'ul jun sípanic mas jebel chí rí man e choj ta. ¿La querí' na-bij rat? (Ví querí' nu-bij, ta-bij rat:) A-banon jun pregunta yalan utz. Xtika-k'alajirisaj juba' chic chirij. Pero vacami tika-bij na c'a chí k-onojel yoj-c'astej pe chic. ¿Achique xti-na' rat y rí a-familia r-iq'uín re bendicion re'?

(Ta-jiquiba' avi' chí ní-k'ax pa ru-ví' chí c-onojel rí achí'a' xquebe-c'astej. Tok utz nu-na' av-ánima, ta-chapa' chic ru-tijoxíc.)

1 Corintios 15:39-42; Alma 11:40-41.

(Ví rí c'ulubanic man utz ta, tav-etamaj achique roma. Xcatqui-to' re preguntas re':)

--Tika-bij chí e c'lo ca'í' achí'a'. Rí jun yeru-takej c-onojel rí ru-píxa' rí Díos, pero rí jun chic majun chique ru-píxa' rí Díos nu-takej. ¿La utz na-bij rat chí re ca'í' re' xtiqúi-c'ul junan c-ajel tok xque-com?

--Ví rí ajel qu-ichín rí achí'a' xaxe junan chique c-onojel, ¿achique roma na-bij rat chí xkojru-ben juzgar rí Ajaf?

--R-iq'uín juba' rat na-na' chí yalan c'ayef ye'a-takej rí ru-píxa' rí Díos y majun modo xta-ben. ¿La can que ví rí', o manak?

(Tok nu-na' utz chirij, ta-ya' rí tijonic apo. Ní-c'atzin chí ríje' níqui-nimaj chí rí k-ajel man e junan ta, según rí ka-samaj y rí ka-nimey tzij che rí ru-píxa'.)

Tijonel: (Ta-j'i'quiba' avi' chi ni-k'ax pa ru-vi' chi c-onojel ri achi'a' xquebe-c'astej. Tok utz nu-na' av-ánima, ta-chapa' chic ru-tijoxic.)

TIJONIC 4: CHIRIJ RI C'ASTAJIBEL, E C'O E Q'UIY C'OJLIBEL SEGUN RI KA-BANOBAL.

Tijonel: Tok ya-com, ri a-espíritu y ri a-ch'acul niqui-ch'er qui'. Ri a-ch'acul ni-be pa jul, pero ri a-espíritu c'a q'ues na. Ri ri' ni-be pa jun c'ojlibel ru-bini'an ri "qui-c'ojlibel ri espíritus." Chiri' xcat-oyoben y xta-nuc' apo avi' richin ri c'astajibel.

Entonces tok ya-c'astej pe, ja ri' tok ri a-espíritu y ri a-ch'acul xtiqiu-tun qui' chic. C'a ri', man xka-com ta chic. C'a ri', ri ka-espíritu r-iq'uin ri ka-ch'acul xque-c'oje' junan benek ru-vech y benek chuka' ru-vech xkoj-c'ase'.

Can kitziy vi chi k-onojel xkoj-c'astej pe, pero vi man ka-taken ta ri ru-pixa' ri Dios, man xti-ya' ta chike chi yoj-oc chupan ri r-ajavaren. Q'uiy c'ojlibel e c'o chila' ri man e junan ta. Vi e ka-taken ri ru-pixabanic, xkoj-apon r-iq'uin Rija'. Pu vi man e ka-taken ta, xkoj-be pa ch'aka chic c'ojlibel. Queri' ru-bin can ri Ajaf chupan ri Juan 5:28-29.

Xicay: Nu-tz'et ri Juan 5:28-29.

Tijonel: ¿Achiqne roma ru-c'amon chi ni-yo'ox chike ri ru-q'uexel segun ri ka-sannaj ka-banon?

Xicay: C'ulubanic

Tijonel: K-ach'alal Xicay, roj k-etaman jebel pa k-ánima chi vi rat y ri av-achoch ni-takej ri ru-pixa' ri Dios, xquix-tiquir xquix-c'oje' junan chupan quicoten yalan nim jantape' r-iq'uin ri Dios.

(Vi nav-ajo' na-jech ri tijonic, jebel c'a na-ben vave'.

(Vi ri K-ach'alal Xicay nu-bij 'mani," tav-etamaj achique roma. Tacusaj re preguntas re' richin na-c'ut chuvech rija' chi jun Dios choj xtu-ya' k'ij chique c-onojel richin nic-ac'axaj ri lok'olej ru-tzijol:)

--¿La utz na-tz'et vi ri Dios man nu-ya' ta k'ij chire jun achin richin chi n-oc pa r-ajavaren, xaxe roma majun bey xr-ac'axaj ri lok'olej ru-tzijol?

--Tika-bij chi majun bey xoj-oc pan av-achoch y roma ri' majun bey chuka' xi-tz'et ri kitzij beyal ri yixru-c'uaj chuvech ri Dios pa r-ajavaren. ¿La choj chive vi man xouix-oc ta pa r-ajavaren ri Dios xaxe roma majun bey xiv-etamaj chirij?

(Tok na-na' chi x-k'ax pa qui-vi', ta-chapa' chic ru-tijoxic.)

Alma 40:11-14.

Tok yix-tzolin pa c-achoch richin ni-c'achoj ri tijonic, que'a-camuluj ri nabey tak tijonic. C'a c'a ri' ta-ya' ri ch'aka.)

TIJONIC 5: RI KA-TATA' DIOS XU-BEN CHI C-ONOJEL RI R-ALC'UAL NĪC-AC AXAJ RI EVANGELIO TOK MAN JANI TI-PE RI C ASTAJIBEL.

Tijonel: Ri Ka-tata' c'o chila' chicaj yalan yojr-ajo' y c'o ru-joyovabal chikavech. Rija' yalan choj chuka'. Ri mas nr-ajo' Rija' ja chi yoj-quicot y chi yoj-c'oje' ta r-iq'uin pa r-ajavaren. Roma c'a ri', Rija' nu-ya' chiquijujunal ri r-alc'uala' chi nic-ac'axaj ri kitzij ru-ch'abel. Pero e c'o e q'uuyi ri ye-com y man nic-ac'axaj ta. ¿La na-bij rat chi ru-c'amon ni-yo'ox k'ij chique chuka' richin nic-ac'axaj ri'?

Xicay: C'ulubanic

Tijonel: Roj nika-jiquiba' chivech chi c-onojel ri ye-com chuvach'ulef y man c-ac'axan ta ri kitzij ru-ch'abel ri Dios, rije' xtic-ac'axaj chirij ri qui-camic chupan ri jun lugar ru-bini'an ri qui-c'ojlibel ri espíritus. Chiri' can ni-tijox vi chique ri kitzij ru-evangelio ri Ajaf. Ja ri Jesucristo ri x-tiquiriban qui-tijoxic ri vinaki' ri'. Tok Rija' x-com y ri ru-ch'acul c'o can pa jul, ri ru-espíritu ri Jesús xberu-tijoj ri ru-ch'abel chique. Can ja vi queri' nu-bij ri 1 Pedro 3:18-20.

Xicay: Nu-tz'et chupan ri 1 Pedro 3:18-20 y chuka' ri 1 Pedro 4:6.

Tijonel: (Ta-jiquiba' chiquivech chirij re punto re'. Ja c'a ri', ta-chapa' chic ru-tijoxic.)

C'tazinel chi nika-bij chave chi ri Ajaf xu-bij chi achique ri nic-ac'axaj ri kitzij ru-ch'abel Rija' chupan re c'aslen re', pero man niqui-q'uen ta, man xquequi-c'ul ta chuka' c-onojel ri ru-bendiciones ri Ajaf, stape niqui-q'uen chirij ri ye-com.

Ri Dios yalan yixr-ajo' rix y nr-ajo' chi ni-c'ul c-onojel ri ru-bendiciones vave' chuvach'ulef. Roma ri', oj ru-takon pe iv-iq'uin richin nika-k'alijirisaj chivech re tijonic re'. Entonces, si vi rat nav-ajo' c-onojel ri ru-bendiciones ri Dios vave' chuvach'ulef, ¿achique ru-c'amon chi na-ben?

Xicay: C'ulubanic

D-12

DyC 124:29.

(Vi nu-bij "mani," tav-etamaj achique roma. Ta-to' richin nr-etamaj chi ri Tata'ixel Dios nr-ajo' chi c-onojel ri r-alc'uala' xtiqúi-c'ul k'ij richin xtiqúi-ch'ec ri bendiciones r-richin ri lok'olej ru-tzijol. Tok na-na' chi ni-k'ax pa ru-vi' y chi nu-nimaj, ca-jiquiban juba' chuech y ta-ya' ri tijonic apo.)

Mosiah 3:16-21; Moroni 8.

TIJONIC 6: CAN NI-BAN VI RI BAUTISMO PA QUI-Q'UEXEL RI CAMINAKI'.

Tijonel: Roj nik-ajo' chi rix ye'i-c'ul c-onojel ri bendiciones r-ichin ri Dios. Manjun xti-colotej chupan ri r-ajavaren ri Dios vi man nu-ben ta ri ru-baniquil r-ichin colotajic. Jesucristo xu-k'alajirisaj chi c'atzinel ri takchinic rubini'an bautismo y vi jun vinek man nu-ben ta re pixa' re', manak modo rija' n-oc apo pa r-ajavaren ri Dios. Tika-bana' na leer chupan ri Juan 3:5.

Xicay: Nu-tz'et ri Juan 3:5.

Tijonel: Ri vinaki' ri e c'o pa qui-c'ojlibel ri espíritu, manak modo niqui-ben bautizar qui' chila'. Pero roma ri Dios yalan yer-ajo', c'a ri' Rija' ru-tz'ucun jun ru-beyal richin chi rije' niqui-c'ul ri kasan xe' ya'.

Entonces si vi c'o av-ach'alal o jun achique ri a-familia ri e caminek chic, rije' can c'o modo niqui-q'uen ri evangelio. Chuka' ri escritura nu-bij chi jun vinek ri q'ues chuvach'ulef, ni-tiquir nu-ben ri kasan chuxe' ya' pa qui-cuenta rije' (1 Corintios 15:29). Re re' ni-ban chupan ri lok'olej r-achoch ri Dios. ¿La jebel ta xta-na' rat chi jun k'ij xta-ben ta bautizar pa qui-cuenta ri av-ach'alal e caminek chic?

Xicay: C'ulubanic

TIJONIC 7: RI TAK ALC'UALA' MAN NI-C'ATZIN TA RI BAUTISMO CHIQUE.

Tijonel: Jun chic lok'olej tijonic ri nik-il chupan ri Vuj r-ichin ri Mormon ja re': chi ri tak alc'uala' manjun mac ta niqui-ben. Rije' xa e colotajinek r-oma ri ru-rayil pokonal ri Colonel.

(Vacami, ta-ya' jun c'ambel tzij chirij. Re jun re' yalan jebel:)

X-c'uluvachitej jun bey chi x-com jun ti ne'y ri man x-ban ta el bautizar. Ja c'a ri', ri sacerdote xu-bij chire ri te'ej chi manak modo ri ti ne'y n-apon chila' chicaj, xa c'o chic pa k'ak' roma man x-ban ta el bautizar.

Ri te'ej man xr-ajo' ta xu-nimaj ri xu-bij ri sacerdote y c'a ri' xu-c'utuj chire jun Elder r-ichin ri Ru-iglesia ri Jesucristo vi c'o modo ri ti r-al n-apon ta chila' chicaj o manak. Pues, ri Elder xu-k'alajirisaj chire ri te'ej ri nu-bij ri lok'olej escrituras chirij ri tak alc'uala':

'Y ri tak alc'uala' e co'ol oc man ni-c'atzin ta chique ri tzolibel c'u'x ni ta chuka' ri bautismo. Pues, ri bautismo xa r-ichin tzolibel c'u'x richin c'a ni-cuyutej ri mac. Pero ri tak alc'uala' e co'ol oc, can e q'ues pe r-iq'uin ri Cristo tok x-tz'uctej re ruvach'ulef.'" (Moroni 8:11-12)

Entonces ri Elder xu-k'alajirisaj chire ri te'ej chi ri ti r-al benek chic chupan ri qui-c'ojlibel ri espíritu y chiriri' xtu-c'ul r-onojel ri bendiciones r-ichin ri

(Vi nu-bij "maní," ta-nabej achique roma. Ta-cusaj re pregunta re':)

¿La na-nimaj chi ni-c'atzin chique ri ti alc'uala' ri bautismo?
¿Achique roma?

(Vi nu-bij chi ri alc'uala' ye-alex r-iq'uín ri ru-mac ri Adán, ta-c'utuj chire quere':)

¿La na-nimaj chi ri Jesucristo xu-toj ri ka-mac k-onojel y chuka' ri ru-mac ri Adán?

(Vi nu-bij "ja," ta-bij chire quere':)

Ya que ri Jesucristo xu-toj ri ru-mac ri Adán, tok ye-alex ri alc'uala', ri je' e ch'ajch'oj. Majun qui-mac, y roma ri' man ni-c'atzin ta chique ri bautismo.

(Ni-c'atzin chi ni-k'ax pa ru-vi' chi ri bautismo ja richin ri tzolibel c'u'x chupan ri mac. Vi nu-c'utuj chirij ri ru-bautismo ri Cristo, ta-siq'uij chuech ri 2 Nefi 31:5-9.)

evangelio. ¿La utz cami na-na' rat chi ri Ajaf yeru-col ri tak alc'uala'?

Xicay: C'ulubanic

Tijonel: (Ta-jiquiba' chiri'j ri bautismo qu-ichin ri ti alc'uala'. C'a ri', ta-ya' ri camulunic.)

CAMULUNIC:

Tijonel: (Ta-cusaj re preguntas re' ri nas achique utz na-na' richin na-cusaj. Qu-iq'uin ri', ta-k'alajirisaj chuvech ri K-ach'alal Xicay xabachique ri man k'alaj ta pa ru-nojibal. Ta-cukuba' a-c'u'x r-iq'uin ri Lok'olej Uclabixel. Rija' xtu-c'ut chuvech achique ri ni-c'atzin chire.)

- ¿Achique roma na-bij rat chi c'atzinel chike chi yoj-pe chuvech re ruvach'ulef?
- ¿La utz nav-ac'axaj chi ri Dios Tata'ixel y ri C'ajolaxel c'o qui-ch'acul?
- ¿Achique c'a modo xta-c'ut chuvech ri Dios chi c'o a-nimabal c'u'x r-iq'uin?
- ¿Achique modo xta-ch'ec mas ri a-nimabal c'u'x r-iq'uin ri Ajaf?
- ¿La nu-bij ri av-ánima chi ri Dios xtu-ya' chique c-onojel richin xtic-ac'axaj ri kitzij ru-ch'abel ri Dios?
- ¿Achique roma yalan c'atzinel chi nika-takej ri ru-pixa' ri Dios?
- ¿Jampe chique ri r-alc'uala' ri Dios xquebe-c'astej pe?

(Ta-c'utuj chire ri K-ach'alal Xicay xabachique chie ri xtu-to' richin chi utz ni-k'ax pa ru-vi' ri a-bin chire chupan ri c'utic. C'o modo na-ya' chique ri familia jun ca'i' oxí' tana'j richin yequi-ta'tet.)

Roj nika-jiquiba' chivech chi k-onojel roj xoj-c'ase' pa ri nabey c'aslen chicajel, y chiri' o'j espíritus. Xoj-c'oje' r-iq'uin ri Tata'ixel Dios y k-onojel oj achi'el familia. Tok xoj-c'ase' chila' chicaj, xka-q'uen chi yoj-pe chuvech re ruvach'ulef richin chi nika-c'ul jun ch'aculaj. Re ka-ch'acul re' ja richin nik-etamaj richin nika-cukuba' ka-c'u'x r-iq'uin ri Ajaf y nika-takej ri ru-pixa'.

R-onojel re' richin c'o modo yoj-tzolin r-iq'uin Rija'. Nika-bij chive chi ri Dios nr-ajo' yeru-col c-onojel ri r-alc'uala' y roma ri' Rija' xu-ben richin chi c-onojel rije' ye-tiquir nic-ac'axaj y niqui-q'uen ta ri ru-evangelio. Ri c'atzinel chive rat y ri a-familia ja chi rix chuka' yix-tiquir ni-c'ul c-onojel ri bendiciones richin ri r-ajavaren ri Dios vi rix ye'i-takej ri ru-pixa'. K-etaman chi ri Ka-tata' Dios nr-ajo' chi k-onojel roj yoj-c'ase' r-iq'uin Rija' jantape' pa ri r-ajavaren. ¿La

nav-ajo' ya-c'ase' r-iq'uin ri Dios? ¿Achique c'a xta-ben richin na-chojmirisaj apo avi' richin ya-c'ase' r-iq'uin?

Xicay: C'ulubanic

Tijonel: (R-iq'uin juba' man r-etaman ta achique ru-c'amon nu-ben richin chi xtu-c'ul jun ru-jiquibal y richin xtr-etamaj ri nr-ajo' ri Dios chi nu-ben. Ja re' ri momento tok na-c'ut chiquivech ri familia achique ru-c'amon chi niqut-ben nabey chuwech ri c'utic apo. Ta-bij chique chi ru-c'amon chi niqut-ben re re' richin chi xtiqut-ch'ec jun jiquibel:)

1. Tiqui-tz'eta' chupan ri Vuj r-ichin ri Mormon. Ta-bij chique achique ri ru-c'amon chi niqut-siq'uij. Utz vi na-bij jujun chique ri tanaj ri qui-tz'eton chupan re c'ututic re'.
2. Que-be apo pa ri molojri'il r-ichin ri iglesia. Que'av-ula'aj ri je'. Ta-c'utu' chiquivech acuchi c'o vi ri capilla. Ca-ch'o qu-iq'uin ri miembros richin yebequi-c'uaj pa molojri'il. R-iq'uin juba' c'o modo chi ca'i' familias ri ye'a-tijoj ye-be junan pa molojri'il chuka'. Ca-tzijon qu-iq'uin chirij ri tziak ri ru-c'amon chi niqut-cusaj. Ta-jiquiba' chiquivech chi majun mero xti-c'utux pa ri molojri'il. Ta-bij chique chuka' chi majun c'o chi niqut-ben, xaxe nic-ac'axaj. Ta-bij chique chuka' chi rix xquix-c'oje' chirij' chuka'. Que'a-tanaba' ri je'.
3. Tiqui-bana' orar. Ca-ch'o juba' chirij ri oracion qu-iq'uin. Ni-c'atsin chique tiqui-bana' ri oracion r-ichin pa qui-jujunal y chuka' tiqui-bana' oracion r-ichin r-onojel ri familia.

Tijonel: ¿La nav-ajo' na-c'utuj chire jun chique ri a-familia richin nu-ben jun oracion?

(Tok ni-q'uis chic ri tsijonic, quix-biyin chanin. Mas utz vi man ni-tej ta majun qu-iq'uin roma n-el el ri espiritu c'o chirij'.)

RI TANAJ R-ICHIN RE C'UTIC RE'

Ri Vuj r-ichin ri Mormon:
Alma, tanaj 11,12,40,42
Moroni, tanaj 8
Ri Biblia:
1 Corintios, tanaj 15
Ri co'ol vuj:
El Plan de Salvacion

